



ALBEITI

SEKRETARIATI NISMA PER
TRANSPARENCE NE
INDUSTRINE NXJERRESE

NEWSLETTER

PRILL 2012

PËRMBAJTJA

► Mbledhja e radhës së MSG

Në datë 4 prill në ambientet e Ministrisë së Ekonomisë, Tregtisë dhe Energjetikës u mblohdh Grupi Ndérinstiucional i Punes (GNP) "Për ndjekjen e Procedurave të Anëtarësimit të Shqipërisë në EITI" i kryesuar nga Zv/Ministri i METE Z. Neritan Alibali, Kryetar i Grupit.

► MSG miraton listën e Kompanive dhe pagesat që do deklarohejn për Raportin e Rakordimit EITI 2010

Në datë 17 prill në ambientet e Ministrisë së Ekonomisë, Tregtisë dhe Energjetikës u mblohdh Grupi Ndérinstiucional i Punës (GNP) "Për ndjekjen e Procedurave të Anëtarësimit të Shqipërisë në EITI" i kryesuar nga Zv/Ministri i METE Z. Neritan Alibali, Kryetar i Grupit.

► Workshop në Bulqizë me mbështetje të OSCE

Me datë 17 Prill 2012, Sekretariati i "Nismës për Transparencë në Industrinë Nxjerrëse (ALBEITI)" në bashkëpunim me QZHDI (Qendra për Zhvillimin dhe Demokratizimin e Institucioneve) dhe me mbështetje të OSCE Albania organizoi në ambientet e Bashkisë së Bulqizës në Qarkun e Dibrës Workshop-in...

► FIAA Organizon Konferencën mbi Resurset Natyrore

Në datë 19 prill 2012, në Pallatin e Kongreseve në Tiranë, u mbajt konferenca me temën "Resurset Natyrore të Shqipërisë",...

T'i bëjmë burimet të punojnë për njerëzit





Mbledhja e radhës së MSG

Në datë 4 prill në ambientet e Ministrisë së Ekonomisë, Tregtisë dhe Energjetikës u mblohd Grupi Ndérinstitucional i Punes (GNP) "Pér ndjekjen e Procedurave të Anëtarësimit të Shqipërisë në EITI" i kryesuar nga Zv/Ministri i METE Z. Neritan Alibali, Kryetar i Grupit. Në mbledhje u diskutua dhe miratua studimi i përgatitur nga ALBEITI i cili përcakton listën e kompanive që do të deklarojnë si dhe llojin e pagesave që do të përfshihen në deklarim, për raportin e vitit EITI 2010. Gjithashtu kreu i sekretariatit ALBEITI raportoi për punën dhe aktivitetet e kryera nga Sekretariati, në drejtim të objektivave dhe programit për 3/mujorin I-rë vitit 2012, ku ndër më kryesorët ishin dy aktivitetet e realizuara një në Tiranë në bashkëpunim me Shoqërinë civile dhe një në Prrenjas me pjesëmarrjen e pushtetit vendor, grupeve të interesit si dhe shoqërisë civile, aktivitet ky që u realizua me mbështetjen financiare të OSBE.

Grupi i Punës u informua për securinë e procedurave të përzgjedhjes së kompanisë fituese që do të përgatisë raportin e rakordimit EITI për vitin 2010, të cilat janë në fazën përfundimtare të tyre.

MSG diskutoi dhe programoi hapat e mëtejshëm të punës që duhet tē bëjë ALBEITI për përgatitjen e Raportit të Rakordimit, si dhe për përbushjen e të gjitha rekomandimeve të bëra nga Bordi Ndérkombëtar i EITI në rrugën drejt anëtarësimit të Shqipërisë në EITI. Në një intervistë dhënë Televizionit Publik Shqiptar menjëherë pas mbledhjes, Kryetari i Grupit z. Alibali vlerësoi si shumë të rëndësishme nismën e qeverisë për të dhënë 25 përqind të rentës minerare në buxhetet e komunave dhe bashkive, çka në mënyre të drejtëpërdrejt rrit mirëqenien e qytetarëve të këtyre zonave.

MSG miraton listën e Kompanive dhe pagesat që do deklarohen për Raportin e Rakordimit EITI 2010



Në datë 17 prill në ambientet e Ministrisë së Ekonomisë, Tregtisë dhe Energjetikës u mblohd Grupi Ndérinstitucional i Punës (GNP) "Pér ndjekjen e Procedurave të Anëtarësimit të Shqipërisë në EITI" i kryesuar nga Zv/Ministri i METE Z. Neritan Alibali, Kryetar i Grupit.

Në mbledhje morën pjesë dhe ekspertet nga kompania Fair-Links, e cila është përzgjedhur si kompania fituese për përgatitjen e Raportit të Rakordimit EITI për Shqipërinë për vitin 2010. Eksperti i Fair-Links Z. Anton Melard de Feuardent, u prezantoi anëtarëve të MSG, raportin paraprak për përgatitjen e Raportit të Rakordimit, duke bërë rekomandimet dhe sugjerimet e tij për pagesat, taksat, si dhe për kompanitë që duhen përfshirë në raport. Eksperti gjithashtu paraqiti formularët (template-t) që kompanitë duhet tē plotësojnë për deklarimin e pagesave. Kreu i Sekretariatit ALBEITI i paraqiti Bordit, draft-listën

e kompanive minerare që do të përfshihen ne Raportin e Rakordimit, të përgatitur nga Sekretariati në bashkëpunim me AKBN, dhe kërkoi miratimin e një thresholdi për përgatitjen përfundimtare të listës. MSG diskutoi dhe programoi hapat e mëtejshëm të punës që duhet tē bëjë për përgatitjen e Raportit të Rakordimit, si dhe mori në konsideratë të gjitha rekomandimet e bera nga Ekspertët e Fair-Links dhe në përfundim vendosën që:

Të përcaktojë si nivel të ardhurash vjetore shumën prej 500 mijë USD e lart, për kompanitë minerare që do të deklarojnë pagesat e bëra në shtet per Raportin e Rakordimit EITI 2010. Të gjitha kompanitë që operojnë në fushën e naftës dhe gazit, që operojnë në sektorët e prodhimit dhe eksplorimit, do të deklarojnë pagesat e bëra në shtet për Raportin e Rakordimit EITI 2010. Të miratojë formularin (templat), për deklarimin e pagesave që do t'u paraqitet dhe kërkohet tē plotësohet nga kompanitë e industrisë nxjerrëse. Kompania "Fair-Links", Francë si administratore e pavarur, do të ketë mbështetje dhe bashkëpunim me Sekretariatin ALBEITI, AKBN dhe Ministrinë e Financave për mbledhjen e informacionit të nevojshëm, me qëllim realizimin në afatin e caktuar për Raportin e Rakordimit EITI 2010. Ndaj kompanive që nuk do të deklarojnë pagesat, do tē merret masa disiplinore, si gjobat parashikuar sipas legjislacionit përkatës



Workshop në Bulqizë me mbështetje të OSCE

Me datë 17 Prill 2012, Sekretariati i "Nismës për Transparencë në Industrinë Nxjerrëse (ALBEITI)" në bashkëpunim me QZHDI (Qendra për Zhvillimin dhe Demokratizimin e Institucioneve) dhe me mbështetje të OSCE Albania organizoi në ambientet e Bashkisë së Bulqizës në Qarkun e Dibrës Workshop-in me temë "Pjesëmarrja Publike një Kontribut i Rëndësishëm i Trasparencës në Industrinë Nxjerrëse". Në këtë Workshop morën pjesë përfaqësues të kompanive të industrisë së kromit, si dhe përfaqësues nga Bashkia Bulqizë, shoqëria civile dhe media lokale. Pjesëmarrje dhe interesim për këtë Workshop pati dhe nga Grupi Ndérinstitucional (MSG), e cila përfaqësohej me Z. Ilir Aliaj dhe Z. Sami Neza.

Në fjalën e tij përshtendetëse **Z. Agim Perhati**, zv. Kryetari i Bashkisë Bulqizë, përshtëndeti organizatorët e këtij Workshop-i, dhe premtoi mbështetjen e vazdueshme për Nismën EITI. Z. Perhati u shpreh se "Bulqiza është zemra e industrisë se kromit në Shqipëri që jep prodhimin më të madh në vend, dhe për të cilën presin që Bashkia dhe komuniteti i Bulqizës të përfitojë 25 përqind të të gjithë pagesave që subjektet minerare të kësaj zone paguajnë ne shtet". Përfaqësuesi i prezencës së OSCE, Z. Elton Qendro, mbështetësja kryesore për organizimin e këtij WorkShop-i, në fjalën e tij falenderoi pjesëmarrësit nga shoqëria civile, grupet e interesit, qeverisja vendore dhe Sekretariati ALBEITI, duke cilësuar bashkëpunimin mes tyre si një mjet për transparencën dhe rritjen e nivelit të zhvillimit dhe mirëqenien e komunitetit shqiptar.

Puna dhe rezultatet në kuadrin e zbatimit të EITI në Shqipëri e kon-

siderohen si një hap i rëndësishëm për arritjen e standardeve ndërkombëtare, dhe për këtë fakt u shpreh i gatshëm për një bashkëpunim të mëtejshëm.

Z Sami Neza si përfaqësues i Shoqërisë Civile dhe njëkohësisht anëtar në Bordin ALBEITI në fjalën e tij bëri një prezantim të iniciativës EITI të ndërmarrë nga qeveria shqiptare. Ai trajtoi mbi kriteret ku mbështetet EITI, dhe rolin e Sekretariatit ALBEITI si një organ i rëndësishëm përzbatimin dhe realizimin e këtyre objektivave dhe kritereve.

Në prezantimin e bërë nga Koordinatori i Sekretariatit ALBEITI **Z. Albert Brojka**, u shpjuan shkurtimisht hapat e punës së bërë për procesin e deklarimeve nga kompanitë nxjerrëse, u ndal tek legjislacioni dhe mekanizmat e tij, duke sqaruar përfaqësuesit e subjekteve minerare për detyrimet ligjore që ata kanë. Gjithashtu Z. Brojka informoi të pranishmit edhe për ecurinë e Raportit të Rakordimit për vitin 2010, që pritet të publikohet në fund të muajit qershor.

Nga të pranishmit pati pyetje, diskutime dhe komente. Pas përfundimit të Workshop-it u organizua një drekë me pjesëmarrësit, ku u shkëmbbyen eksperientat, mendimet dhe u bisuedua më konkretisht për bashkëpunimet në të ardhmen për zbatimin e EITI.





FIAA Organizon Konferencën mbi Resurset Natyrore

Në datë 19 prill 2012, në Pallatin e Kongreseve në Tiranë, u mbajt konferenca me temën "Resurset Natyrore të Shqipërisë", të organizuar nga FIAA (Foreign Investors Association in Albania) me mbështetjen e Ambasadës Hollandeze dhe Ambasadës Britanike. Në konferencë morën pjesë kompani të ndryshme që ushtrojnë aktivitetin e tyre në fushën e Enerjikutës, naftës, gazit dhe industrisë minerare, si dhe përfaqësues nga AKBN, METE, SHGJSH dhe Sekretariatit ALBEITI.

Në ceremoninë e hapjes së konferencës mori pjesë dhe Kryeministri i Shqipërisë Z. Sali Berisha, i cili në fjalën e tij përshëndetëse theksoi vendosmérinë e qeverisë për një zhvillim të qëndrueshëm të vendit, krijimin e lehtësirave për kompanitë investitore të huaja që operojnë në fushën e naftës, gazit apo atë minerare, duke përmendur kontratën më të fundit të nënshkruar nga qeveria shqiptare me kompaninë internacionale SHELL, për kërkimin dhe prodhimin e naftës dhe gazit në Shqipëri.

Në këtë kuadër është edhe projekt TAP, i cili është projekt i më madh i Europës në këtë dekadë dhe i ka të gjitha shanset që të kalojë në Shqipëri, duke sjellë shumë të ardhura në buxhetin e shtetit.

"Shqipëria ofron burime të pasura me gaz në disa zona, rezerva të hidrokarbureve, dhe minerare", ka shtuar më tej kryeministri. Gjithashtu ai theksoi se iniciativa e Shqipërisë në "Nismën për Transparency në Industrinë Nxjerrëse" është një hap i rëndësishëm përritjen e mirëqenies së komunitetit dhe transparencës në këtë in-

dustri dhe shprehu qartë vendosmérinë e Qeverisë për të mbështetur ALBEITI për plotësimin e të gjitha kriterieve për anëtarësimin e Shqipërisë në EITI.

Në fjalën e saj ambasadorja e Australisë Znj. Jenny BLOOMFIELD, përshëndeti nismën e qeverisë shqiptare për anëtarësimin në EITI dhe informoi mbi masat dhe ndryshimet që Shteti i Australisë ka ndërmarrë në legjislacion në përputhje me parimet EITI si dhe vullnetin e tij për anëtarësim në EITI.

Në përfundim të fjalës përshëndetëse, Kryeministri u shprehu mirënjojje FIAA-s dhe anëtarëve të saj për kontributin themelor për zhvillimin e vendit, duke shprehur besimin ndaj Shqipërisë dhe shqiptarëve.

Në fund, Kryeministri bashkë me pjesëmarrësit vizituan ekspozitën e kompanive me të rëndësishme në Shqipëri në fushën e gazit, naftës dhe minierave si dhe partnerëve të ndryshëm të FIAA.

